

cœlestibus, quorum cursuum obseruatione astrologi solent de aeris mutationibus iudicare: vel organo humano utitur ad eas producendas: nam legimus Eliam virtute sui spiritus illuminati nubes & ventum in cœlo diu arido comparasse, & pluuias copiosas ad terram sitibundam irrigandam è cœlo cecidisse, 1. Reg. 18. Et quandoque Deus ipse utitur densa nube pro organo in quo operetur occulte pro peccatis hominum, vnde scriptum est: *Densa nubes tugurium eius, Iob. 22. 15.* Et alibi, *Densa nubes vehiculum Dei, seu currus quo itat super alas venti, Ps. 104.*

Sed ad ampliorem huius rei dilatationem dicimus, quod Deus à sole tanquam organo, ex quo disponere solet de ordinariis anni dispositionibus, quibus res quotannis variantur, producat ventos, ideo dicuntur Titi & Auroræ filii, teste Philosopho, quoniam à sole in ordinario solis cursu annuali excitari obseruantur: nam teste Salomone, in circuitu pergit spiritus ad motum solis, hoc est aer mouetur ad actionem eius. Huius rei proprietatem ostendemus in historia nostra de Angeli Michaelis proprietate, (qui est præses Solis, sub imperio cuius sunt ceteri angeli ventis dominantes. Ad scripturarum testimonia propinquius in hac nostra nubium procreatione accedamus, quam à ventis fieri dicimus, quos angelos vocat sacra pagina, *Qui facis angelos tuos ventos &c. Ps. 104.* Legimus ergo quod venti alterent aerem in quamlibet dispositionem, nam ventus Aquilonaris producit frigus, & aerem conuertit in niues, gelu, pruina, grandines pluuiamque fugare solet; Auster producit nubes, incrassando aerem, tempestates, pluuiasque, fulguraque & tonitrua producit, atque aerem reddit contagiosum, animalibus; Eurus adurit fructus, tempestates marinas exagitat, aerem calefacit & perturbat, Hinc ait Psalmista, *Eurus perfringes naues Oceani, Psal. 48. 8.* Denique venti sunt omnium meteororum occasiones, cuiuslibet aeris transformationis substantialis, atque etiam in proprietate alterationis actus, maris rubri diuisionis, atque iterum reiuñtionis atque agglutinationis minister, locustarum in terram Ægyptiorum inuentionis atque earum iterum expulsionis, & coturnicum in Israelitarum castra transportationis author, maris Oceani perturbator, & denique omnium in hoc mundo tam imperfecte quam perfecte mistorum procreator & generator. At vero venti sunt effectores voluntatis & vocis domini, qui in ipsis centraliter inhabitans eos mouet, quo & vbi placet; vnde & flatus Dei dicuntur, *quos in mundum emittere solet ad placitum suum in mundo complendum, Iob. 37. 3.*

Dicimus ergo, quod nomen seu verbum Dei imprimis moueat ventos, qui in suo externo nihil aliud sunt quam aer motus, internum vero eorum est claritas omnipotentis, qua animantur, reguntur, & pro velle creatoris disponuntur, vt faciant mandata Dei. Cum ergo nubes in mundo pluuiositas creare voluerit Deus, maior voluntatis suæ radius, seiungit cum suo simili in vento seu Angelo Australi, seu plagæ Australi præsidente, Vrius in maiori proportione; vnde illa ex suo angulo dominante spirare solet, in minori vero proportione emittit voluntatis radium ad suam in vento septentrionali simile, hoc est ad animam suam, quare spirat etiam ille, sed non in tali proportione qua suum oppositum Auster, atque ita aer intermedius appositione & compressione partium in nebulosam prius substantiam, & tum postea in densæ nubis consistentiam conuertitur, qua dissolutione à verbo seu sapientia Dei facta in pluuias transeunt, vel ad terram fecundiorum reddendam, vel ad ipsam submergendam. Quod etiam nubes à ventorum flatu procedant in eo nos docet experientia, quoniam flante Austro raro desunt nubes, atque etiam nubes cuiuslibet conditionis non modo à vento prædominante commotas & exagitatas in quartam oppositam videmus, verum etiam diuino verbo miraculose in hoc agente sustinentur, nisi in pluuiam operatione diuina resoluantur, atque ita decidant; Quod quidem confirmare videtur David in his verbis; inde declarando actum virtutis verbi in resolutione niuis: *Emittit verbum suum & liquefacit ista, simul ac efflat ventuum suum effluunt aqua, Psal. 147. 16.* Quod nubes sustinentur à ventis patet ex loco alio, *Iehoua inclinavit cœlos & descendit, & caligo sub pedibus eius, & ascendit super Cherubin, & volauit super pennas ventorum, Psal. 17.* qui à Cherubin, angelis nimirum aereis animantur, & ducuntur, super quos Iehoua dicitur insidere. Quare dicendum est, quod vt sapientia est angelorum dictorum anima, seu vita centralis, ita quidem ipsi sunt anima & vita aeris, in quo mouentur, hinc dicuntur *angeli validissimi roboris, efficientes verbum Dei & placitum eius, Psal. 104.* Ob hanc ergo causam solum dicimus Deum esse nubium creatorem, atque ipsorum in cœlo sustentatorem, iuxta illud Iob. *Deus apt. ut pondus aeri seu vento, & appendit aquas in mensura, facit pluuiam statutum, & viam fulguro tonitruum, &c. Iob. 28.* Ac si dixisset, Deus alpha & Omega, principium & finis est, primus & vltimus actor in meteororum productione, vt pote vbi que præsens. Et primam mouet partem sui in angelo, qui voluntati eius obtemperans mouetur primo in aere, in forma venti cum legionibus suis, & tum aptata aerem in naturam venti, aut spissitudinem nubis densæ, vnde pluuiæ leges suas recipiunt, vel in fulguris proprietatem reducit; Et tamen non angelus sed Deus seu sapientia in angelo hæc omnia facere rectissime dicitur, quippe qui est verus & solus actor in his rebus.

Hinc igitur dictum est, quod *nubibus densis obtegit Deus cœlos quæ pariant terra pluuiam, Psal. 147. 8.* Et alibi, *Aperiet tibi Iehoua thesaurum suum optimum cœlos, dando pluuiam terra tua tempore suo, Deut. 28. 12.* Similiter in alio loco est, *Quis sapphyrinas effecit nubes in sapientia? & vtres cœli quis prosternit? Iob. 38. 37.* Et Sapiens